



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbd@jtbd.ba

Broj: T18 0 KT 0015451 21
Brčko, 01.11.2021. godine

U skladu sa odredbom člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

E.B. ...

Što je:

Dana 28.06.2021.godine oko 16,35 sati, u mjestu Lipovac, na tzv. „Malezijskom putu“ Brčko distrikt BiH, upravljajući teretnim motornim vozilom marke Volkswagen tip „SYN1E“ Crafter, registarskih oznaka ..., vlasništvo „Expres one“ d.o.o. Sarajevo, i krećući se regionalnim putem R-460 iz pravca Brčkog u smjeru Cerika, dok se iza njega kretao, u istom smjeru, teretno motorno vozilo marke „Volkswagen“ tip „7JO“ Transporter, registarskih oznaka ... i kojim je upravljao Č.K., a u kojem su kao suvozači bili S.E. i J.D., olako držeći da zabranjena posljedica neće nastupiti, suprotno odredbi člana 36. i 37. Zakona o osnovama bezbjednosti saobraćaja na putevima u Bosni i Hercegovini, započeo radnju preticanja NN vozila ispred sebe, a da se prethodno nije na adekvatan način uvjerio da to može učiniti bez opasnosti za druge učesnike, odnosno da uključivanje lijevog pokazivača pravca sa odgovarajuće prostorne i vremenske distance obavijesti ostale učesnike u saobraćaju da će započeti izmještanje svog vozila sa desne u lijevu kolovoznu traku, kao i da izvrši adekvatnu procjenu u cilju da li je lijeva kolovozna traka slobodna pa je tako prešao sa desne u lijevu traku u kojoj se s njegove lijeve strane već nalazilo vozilo Transporter, te je tako u lijevoj kolovoznoj traci na oko 30 cm od središnje razdjelne linije došlo do kontakta bočnim retrovizorom vozila, a zatim i prednje bočnim lijevim dijelom vozila Crafter sa desnom bočnom stranom teretnog sanduka vozila „Transporter“ usljed čega je vozač vozila „VW Transporter“ Č.K. izgubio kontrolu nad tim vozilom, te je sletio u kanal pored puta, usljed čega su putnik u vozilu „VW Transporter“ J.D. zadobio teške tjelesne povrede u vidu, kompresivnog preloma trupa III-eg slabinskog kralješka (sa prelomnim fragmetnima uz prednji-gornji aspekt pršljenskog dijela), a S.E. lake tjelesne povrede u vidu oguljotine kože potiljačnog dijela glave, desne lopatice i prednje strane lijevog koljena,

dakle, kao učesnik u saobraćaju na putevima koji se ne pridržavao saobraćajnih propisa, iz nehata, ugrozio javni saobraćaj i doveo u opasnost život ljudi, pa je zbog toga kod drugoga nastupila teške tjelesna povreda,

čime bi počinio krivično djelo – Ugrožavanje javnog saobraćaja – iz člana 326. stav 3. u vezi sa stavom 1. Krivičnog zakona Brčko distrikta BiH

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica